

Oqaluuserisassanut nassuiaat

(Inatsisartut Siulittaasuat)

2025-mi Inatsisartut ukiakkut ataatsimiinneranni UKA2025-mi oqaluuserisassat septembarip ulluisa aappaanni saqqummiunneqarput. Apeqquteqaat aallaavigalugu oqallinnissamik siunnersuutinik tunniussinissamut killissarititap kingorna oqaluuserisassat nutartikkat 2025-mi septembarip ulluisa 17-ianni saqqummiunneqarput.

Oqaluuserisassani immikkoortoq 108 siunnersuuteqartup kissaateqarneratigut oqaluuserisassanit peerneqarpoq, taamalu tunuartinneqarluni.

Naalakkersuisut nalunaarutigaat spiralilersuisimanermut tunngatillugu pisortatigoortumik utoqqatsissuteqarneq pingasunngornermi septembarip ulluisa 24-anni 2025 nal. 14:00 Nuummi Katuami aqqissuussinermi malunnartinniarneqassasoq. Tamatuma malitsigisaanik Siulittaasoqarfiup aalajangerpaa ulloq pineqartoq Inatsisartuni ataatsimiiffiussanngitsoq. Tamatuma aamma malitsigisaanik akunneq apeqquteqarfiusinnaasoq septembarip ulluisa 24-anni ingerlanneqartussaagaluartoq taamaatiinnarneqarpoq. Oqaluuserisassani immikkoortut allat septembarip ulluisa 24-anni oqaluuserineqartussaagaluartut taarsiullugu septembarip ulluisa 26-anni oqaluuserineqassapput.

Inatsisartunut Naalakkersuisunullu ilaasortat oqaluuserisassani allanngortitsisoqarnissaa kissaateqarunik oqaluuserisassanulluunniit oqaaseqaatissaqarunik qinnuigineqarsimapput taakku ataatsimiinnerup aallartinnissaa kingusinnerpaamik sapaatip akunneranik ataatsimik sioqqullugu siulittaasoqarfimmut saaffiginnissutigeqqullugit.

Suleriaatsitsinni § 4, imm. 1 naapertorlugu oqaluuserisassanut nassuiaatit isumaqatigiinniutigineqarneq ajorput, taamaattumillu oqaluuserisassanut naammagittaalliutaajunnartut allakkatigut siulittaasoqarfimmut saaffiginnissutigineqartassallutik.

Tamatuma kingorna oqaluuserisassat akuerineqartutut isigineqarput.